



Informasjon til elevar og føresette

Surnadal vidaregåande skole
Skoleåret 2021 - 2022

Velkommen

Velkommen til Surnadal vidaregåande skole! Vi er glade for at nettopp du vil vere elev på skulen vår.

Vi er stolte av å kunne fortelja at du er kome til ein skule med gode læringsresultat og høg gjennomføringsevne. Du er og kome til ein skule som set trivsel for elevar og tilsette høgt.

Vi ynskjer å gi deg eit godt grunnlag for vidare studium og yrkesliv etter at du er ferdig som elev. For at du skal lykkast, vil vi gjera vårt ytterste for å gi deg tilpassa opplæring, med tilrettelegging, realistiske krav og forventningar. Vi tilbyr deg og eit trygt og godt skolemiljø som grunnlag for læring. Du sjølv må bidra med eigeninnsats, gode arbeidsvanar og fokus på inkludering. Eit enkelt grep er å sjå og helse på dei du møter, kvar dag. Saman vil vi på denne måten kunne lykkast med å gi deg og dine medstudentar opplæring av god kvalitet i ein kjekk skolekvardag.

Lykke til!

Vennleg helsing frå

Hilde Andersen
rektor



Om oss

Surnadal vidaregåande skole ligg fint til på Øye i Surnadal om lag 1 km frå kommunesenteret Skei. Surnadal vidaregåande skole er ein kombinert skole med både studieførebuande og yrkesfaglege utdanningsprogram. Dette skoleåret kan vi tilby:

Vg1:

Bygg- og anleggsteknikk

Elektro og datateknologi

Helse- og oppvekstfag

Teknologi og industrifag

Studiespesialisering (+ valfritt programfag breddeidrett eller toppidrett e-sport)

Vg2:

Automatisering

Tømrer

Industriteknologi

Barne- ungdomsarbeidarfag

Helsearbeidarfag

Realfag (studiespesialisering)

Språk, samfunnsfag og økonomi (studiespesialisering)

Vg3:

Automatiseringsfaget

Realfag (studiespesialisering)

Språk, samfunnsfag og økonomi (studiespesialisering)

Påbygging til generell studiekompetanse



Skolen har i år teke inn om lag 230 elevar, og vi har 49 tilsette som arbeider ved skolen.

Informasjonskanalar

Facebooksida til skolen blir jamleg oppdatert med siste nytt. Lik oss gjerne! Facebook.com/surnadalvgs

Du finn oss òg på **Snapchat** under surnadalvgs. Der blir det lagt ut glimt frå kvardagen og meldingar til elevane.

Ved hovudinngangen, i kantina og i yrkesfagbygget finn du **infoskjermer**. Vi rår til at du jamleg tek ein titt på skjermen for å få med deg nyttig informasjon.

Heimesida til skolen finn du på www.surnadal.vgs.no. Der finn du mellom anna kontaktinformasjon til alle som arbeider på skolen, oversikt over tilboda våre, informasjon om eksamen, biblioteksøk og mykje meir du kan få bruk for.




Kontaktlærer

Ved oppmøte første skoledag vil du treffe kontaktlæreren din som vil følge deg gjennom den praktiske skolestarten. Kontaktlæreren blir den personen du i første rekkje kan søkje råd hos i spørsmål som har med skolegangen å gjere, og er den som har ansvaret for informasjon og tilrettelegging.

Kontakt med heimen

Skolen ønskjer å ha eit nært samarbeid med foreldre/føresette. Dei vil derfor bli invitert til ein samtale seinare i haust (gjeld elevar under 18 år).

Skolen vil og invitere foreldre og føresette til elevar på vg1 og vg2 til felles informasjonsmøte i løpet av september.



Elevskap

Elevskap kan du få nær klasserommet ditt.

Hengelås må du kjøpe sjølv, og skapet bør vere låst til ei kvar tid.

Så lenge skapet står ope, har du sjølv ansvaret om noko kjem bort eller blir øydelagt.



Skolekantina

Skolekantina er open kvar dag frå kl 07.50 til 13.00. Det skal vere ro og orden i kantina, og vi ber om at du ryddar etter deg.

Nyttar du kantina etter kl.13, ønskjer vi at du hengjer opp stolen etter deg.

Skolen spanderer frukt kvar tysdag og torsdag.

Kantina er ei privat bedrift der Bente Heggset er drivar. Elevane skal rette seg etter reglar frå kantinedrivar.



Skolehelsetenesta

Ungdomskontakt Kristin Børset har open trefftid *tysdagar frå kl 10 – 14*. Ho har kontor ved garderobane i A-bygget. Tilbodet er gratis, og det er ikkje nødvendig med timebestilling. Ho har eiga facebookside: Ungdomskontakt Kristin Børset

Helsesjukepleiar har open trefftid kvar *torsdag frå kl. 10 – 14*. Ho har kontor ved garderobane i A-bygget. Tilbodet er gratis, og det er ikkje nødvendig med timebestilling.

Førebyggingsrådgjevar Marit Meisingset har kontortid *onsdagar frå kl 9 - 13*. Ho har kontor ved garderobane i A-bygget. Marit kan kontaktast på mobilnummer 917 69 241. Tilbodet er gratis.

For meir informasjon om tenesta; sjå www.surnadal.vgs.no



Ungdomsteamet

Ungdomsteamet er eit gratis lavterskeltilbod for unge i Surnadal i alderen 13-20 år.

Ungdomsteamet har fokus på førebygging av psykiske helseplagar, rus og kriminalitet. Her finn du helsesjukepleiarar, førebyggingsrådgjevar, jordmor og ungdomskontakt som du kan snakke med. Vi som jobbar i ungdomsteamet har teieplikt.

Tilbodet gjeld ungdom som bor i Surnadal eller som går på skule her. Foreldre eller andre vaksenpersonar kan kontakte oss og få råd om generelle tema. Vi kan snakke med foreldre og ungdom saman hvis ungdommen sjølv ønskjer det.

Snapchat: ungsurnadal

Instagram: ungdomsteamet_surnadal

Facebook: Ungdomsteamet i Surnadal

www.ungisurnadal.no



Rådgjevar

Rådgjevar Odd Ragnar Svendsen har kontor ved skolebiblioteket. Han har kontortid tysdag, onsdag og torsdag.

Kontaktinformasjon:

Telefon: 71 28 44 06/402 48 242

E-post: odd.ragnar.svendsen@mrfylke.no



VIP-makkerskap

Elevane ved Surnadal vidaregåande skole blir frå første skuledag delt inn i makkerpar (to personar). Desse makkerparene tilhøyrar igjen ei makkergruppe. Makkerpar og makkergrupper blir brukte i undervisninga, men også i andre samanhengar på skulen, og samansetningane blir endra med jamne mellomrom.

VIP-makkerskap handlar om å gi dykk som elevar ein trygg overgang frå tidlegare skole til ny vidaregåande skole. VIP-makkerskap er ei førebuing til vidare studiar og arbeidsliv, gjennom å øve på å vere ein god kollega.

Makkerskap er inndelte tilfeldig slik at de lærer kvarandre å kjenna på kryss og tvers i klassen.

Makker partner ('makør)

Substantiv maskulin

Medspiller, medarbeider, alliert, hjelper, kompanjong
være makkere i kortspill, dele oppgavene med sin makker

Kilde: Store Norske leksikon og The Free Dictionary



Foto: Colourbox

Skolebiblioteket

Skolebiblioteket held ope kvar dag frå kl 08.00 – 15.30. Vi har eit breitt utval av fagbøker, skjønnlitteratur og DVDar. Vi har òg fleire magasin og aviser du kan lese i biblioteket. I tillegg har vi mange brettspel som kan lånast i skoletida. Kortstokkar kan du låne i resepsjonen.

Når du oppheld deg i biblioteket, ber vi om at du følgjer desse reglane:

- Det er forbode med mat og drikke.
- Stolane skal setjast på plass etter bruk.
- Slå av lyden av PC, musikkavspelar, mobil o.l.
- Rydd på plass spel etter bruk. Kortstokkar skal leverast på kontoret.
- Snakk med låg stemme.



Lærebøker

Lærebøker får du låne av skolen. For å få låne lærebøker (og anna frå biblioteket) må du ha lånekort. Om du ikkje har nasjonalt lånekort frå før, vil du få det utdelt av kontaktlærer i starten av skoleåret.

Ta godt vare på lånekortet ditt, og ta det med på skolen kvar dag.

Det er *svært* viktig at du scannar alle lån og innleveringar i automaten i biblioteket. Lånet er personleg, og du er økonomisk ansvarleg for alt du låner av skolen. Etter at skoleåret er slutt vil det bli sendt rekning på manglande innlevering/øydelt bøger.

For å hindre forbytting og unødig slitasje bør lærebøkene få på bokbind, og dei **skal merkast med namnet ditt i permen av boka.**




Elevbevis/PocketID

Elevbevis får du gratis via den elektroniske løysinga PocketID. Via «selfie-løysinga» kan du få elevbevis kort tid etter skolestart. Fotografen frå Reed Foto vil ta portrettbilde og gruppebilde til skolekatalogen/avgangsbilde måndag 4. oktober og tysdag 5. oktober.


Slik går du fram for å skaffe deg elevbevis på mobilen:

1. Last ned appen PocketID på mobilen din.
2. Logg inn med din FEIDE-brukar.
3. Elevbeviset blir lasta inn automatisk og blir raskt tilgjengeleg for bruk.
4. Last opp eller ta nytt bilde med mobiltelefon din (dersom det ikkje blir henta automatisk).



Ta kontakt med konsulent Mari Vattøy på kontoret dersom du opplever problem med løysinga.

Skoleskyss



Elevar på vidaregåande må søke om skyss sjølv gjennom skoleskyssportalen **skoleskyss.mrfylke.no**. Du må bu meir enn **6 km** frå skolen for å få busskort. Kortet gjeld på strekninga mellom bustad og skole. Skysskortet gir rett til skyss til og frå skolen ved skolen si ordinære start- og sluttid.

Berekninga av avstand er rekna ut frå Møre og Romsdal fylkeskommune sine kartdata, og kortaste farande veg frå eleven si adresse til eleven sin skole. Skoleskyssportalen er integrert med folkeregisteret og vil hente riktig adresse ut frå eleven sitt personnummer og etternamn.

Elevar som har rett på skoleskyss, får eige skysskort. Kortet blir sendt til skolen, og du vil få beskjed når kortet har komme. Ta godt vare på kortet – du treng det så lenge du er elev i Møre og Romsdal.

Vi gjer merksam på at ved delt bustad må du legge ved stadfesting om dette.

Søknad om tilrettelagt skyss må du sende via skolen. Legeerklæring er nødvendig.

Har du spørsmål omkring skoleskyss kan du kontakte konsulent Vilde Virum Naustbakk på kontoret på Surnadal vgs.

Spørsmål som gjeld skyssrett sender du direkte til: skoleskyss@mrfylke.no.

Elev-PC

Alle elevar i vidaregåande skole må ha eigen PC. Som elev på Surnadal vgs kan du få kjøpt ein berbar PC av merket HP ProBook 445 G8. Den fylkeskommunale PCen har 3 års garanti og uhellsforsikring. PCen betalast i form av ein årleg eigenandel som tilsvarar den lågaste satsen for Lånekassens utstyrstipend, som for skoleåret 2021-22 er på 1096,- . Etter tre år er PCen nedbetalt.

Er du elev på vg1 teknikk- og industriell produksjon og har Mac? Erfaringa viser at det ikkje er muleg å laste ned diverse program til Mac som du treng i skolekvardagen din. Vi anbefalar derfor at du nyttar PC til skolearbeid.

Frist for å bestille elev-PC er 1. november, og du må bestille via nettsida **skolestart.mrfylke.no**.



Informasjon om stipend

Elevar i vidaregåande opplæring med ungdomsrett får utstyrsstipend frå Lånekassen. Hugs at du må søke for å få det. Når du søker, sjekkar Lånekassen automatisk om du har rett til andre stipend, som for eksempel grunnstipend eller bustipend. Du kan søke om stipend når du har takka ja til skoleplass. Er du over 18 år kan du signere avtalen sjølv. Er du under 18 år, må føresette signere avtalen. Søknadsfristen er 15. november.

Utstyrsstipendet skal dekke individuelt utstyr som er nødvendig i opplæringa. Det kan f.eks. vere kalkulator, kladdebøker, skrivesaker, permar osv.

Du kan lese meir om dei ulike stipendordningane på www.lanekassen.no.



Informasjon om stipend

Så mykje får du i utstyrsstipend:

1096 kr	1648 kr	2657 kr	4513 kr
Studiespesialisering	Helse- og oppvekstfag	Studiespesialisering m/toppidrett*	Bygg- og anleggsteknikk
Påbygning til generell studiekompetanse		Elektro og datateknologi	
		Teknologi og industrifag	

* **NB!** Legg merke til at dersom du har toppidrett e-sport eller breddeidrett som valfritt programfag på studiespesialisering, får du eit høgare utstyrsstipend. For å finne dette valet i søknaden på Lånekassen må du klikke «nei» på spørsmålet: «Er det denne skolen du har opptak til og dette utdanningsprogrammet du skal ta»? Deretter må du sjølv leite fram Surnadal vgs i menyen og finne «studiespesialisering med toppidrett».

Ta kontakt med Mari Vattøy på kontoret på Surnadal vgs dersom du har spørsmål omkring dette.

Elevråd, skoleutval og skolemiljøutval

Tenk over om du ønskjer å stille til val som tillitselev.

Tillitselevane utgjer elevrådet ved skolen og er offisielt talerør for elevane overfor skoleleiinga.

I elevrådet kan du mellom anna arbeide med saker som gjeld læringsmiljø, arbeidsforhold og elevvelferd.

Elevrådet består av tillitsvalde frå dei ulike klassane, og blir valt kort tid etter skolestart. Deretter blir det etablert eit elevrådsstyre, der dei skal velje to representantar med vararepresentantar til **skoleutvalet**, som er det øverste rådgivande organet ved skolen.

Elevrådet vel òg elevrepresentantar til **skolemiljøutvalet** som skal arbeide for at skolen, dei tilsette og elevane er aktive i arbeidet med å skape eit godt skolemiljø.



Operasjon Dagsverk

Operasjon Dagsverk er Noregs største solidaritetsaksjon av, med og for ungdom. Organisasjonen arbeider for ei betre verd ved å sette global rettferdigheit på timeplanen i den norske skolen.

Det er elevrådet på Surnadal vgs som bestemmer om skolen skal delta i aksjonen, og elevrådet vedtok i vår at skolen skulle delta på årets aksjon.

OD-dagen er torsdag 4. november.

Årets Operasjon Dagsverk skal støtte ungdom frå Sør-Afrika i kampen mot sosial urettferd. Prosjektet vil gjennomførast i samarbeid med KFUK-KFUM Global og dei lokale partnarane deira i Sør-Afrika.

Eit dagsverk kostar 400,-

Du kan skaffe din eigen arbeidsplass eller få hjelp av skolekomiteen. Meir informasjon om Operasjon Dagsverk kjem når dagen nærmar seg.



Fråvæersgrensa i korte trekk

Ein viser til Forskrift til opplæringslova § 3-3 siste ledd:

- Elevar i vidaregåande skole skal møte opp og delta aktivt i opplæringa.
- Dersom ein elev har meir enn 10 prosent udokumentert fråvær i eit fag, vil han eller ho som hovudregel ikkje ha rett til å få halvårsvurdering med karakter eller standpunktkarakter i faget, og læraren kan heller ikkje setje slike karakterar.
- Eleven må leggje fram relevant dokumentasjon for å få fråvær unntatt frå fråvæersgrensa.
- Dersom eleven har mellom 10 og 15 prosent udokumentert fråvær og fråværsårsaka gjer det klart urimeleg at eleven ikkje skal kunne få karakter, kan rektor bestemme at han eller ho likevel får karakter.
- Fråvæersgrensa gjeld timefråvær i enkeltfag, ikkje det totale fråværet til eleven.
- Eleven skal få eit varsel om han eller ho står i fare for ikkje å få karakter på grunn av fråvær.
- Glattkøyring og enkelte andre delar av trafikkopplæringa vil ikkje bli rekna med i fråvæersgrensa for elevar i vidaregåande skole. Dei nye unntaka gjeld berre dei obligatoriske køyretimane som er vanskeleg å kombinere med skolekvardagen. Endringane er begrensa til å gjere unntak for fråvær for 4 timar sikkerheitskurs på bane (trinn 3), samt del 2 og 3 (totalt 9 timar) av sikkerheitskurs på veg (trinn 4).
- Les meir om fråværsreglementet på www.udir.no.



Visma InSchool

Frå hausten 2021 blir Visma InSchool (VIS) innført som nytt skoleadministrativt system. For deg som elev, er VIS staden der du kan sjå alt av fråvær, merknader og karakterar som er registrerte på deg. I tillegg kan du sjå timeplana di, når du skal ha vurderingar og informasjon om eventuelle eksamenar og fag- og elevsamtalar.

I tillegg til at Visma InSchool er staden der du enkelt får oversyn over alle data som er registrerte på deg, er det òg her du registrerer eventuelle søknader. Skal du til dømes søke om fritak i fag eller be om fråtrekk av inntil 10 dagar med fråvær, skal dette gjerast i VIS.

I Visma InSchool-appen får du rask tilgang til timeplana, og du kan få oversyn over fråværet ditt, og dermed sjå om du nærmar deg fråværsgrensa i faga.



Itslearning

Skolen nyttar Itslearning som lærings- og kommunikasjonsplattform.

Itslearning inneheld undervisningsplanar, ressursar, innleveringar og vurderingar, og er eit viktig verktøy for kommunikasjon mellom lærar og elev.



Microsoft Teams

Teams er ein chatbasert samarbeids- og kommunikasjonsplattform. Elevar og lærarar kan jobbe saman i Teams, både ved å dele filer og dokumenter, og ved å samtale og chatte.

Surnadal vidaregåande skole vil gradvis innføre Teams gjennom skoleåret 2021-22.



Parkering

Elevparkeringa er **berre** på parkeringsplassen nedanfor Øye kyrkje. Parkeringsplassane rundt skolebygninga er reservert tilsette, besøkjande og andre med løyve. Det er strengt forbode med bilkøyning på skoleområdet i skoletida. Tida mellom kl 07.45 - 15.00 skal vere fri for trafikk. Det betyr at elevane som blir køyrt og henta på skolen **SKAL** gå frå rundkjøringa på busshaldeplassen.

Mopedistar får parkere ved yrkesfagavdelinga eller framom skolen.

Ta kontakt med rektor om det er slik at du må parkere ved skolen, eller må bli køyrt til inngangsdøra.

Vi er avhengige av eit tett samarbeid med føresette for at dei rundt 800 elevane på Øye skal få ein trafiksikker skolekvardag 😊



Elevar med behov som skolen bør kjenne til

Har du behov for tilrettelegging av årsaker som skolen ikkje kjenner til, må du sende dokumentasjon til skolen og gi beskjed til kontaktlærer ved skolestart.

Dette kan vere kronisk sjukdom som for eksempel epilepsi, diabetes, astma, allergi, migrene o.l.

Vi treng denne informasjonen for å kunne tilrettelegge opplæringa for deg så godt som muleg.



Vi minner om

- at du er pliktig til å melde frå til skolen om du endrar namn, adresse eller telefonnummer i løpet av skoleåret.
- at det ikkje er tillatt å bruke tobakk og snus, eller vere påverka av rusmiddel på skolen sitt område eller i aktivitet i regi av skolen (jf. §7 i Forskrift til Opplæringslova).
- at på Surnadal vidaregåande skole skal alle vise respekt og vere høflege mot kvarandre 😊



Skolerute skoleåret 2021-2022

Månad	For skoleåret 2021-2022
2021	
August	Første skoledag: Måndag 23. august
September	
Oktober	Hautferie: Veke 41: Måndag 11. oktober – fredag 15. oktober
November	
Desember	Siste skoledag før jul: Tysdag, 21. desember
2022	
Januar	Første skoledag etter jul: Tysdag 4. januar
Februar	Vinterferie: Veke 8: Måndag 21. februar – fredag 25. februar
Mars	
April	Påskeferie: Måndag 11. april – t.o.m. måndag 18. april
Mai	Elevfri dag: Fredag 27. mai
Juni	Siste skoledag: Torsdag 23. juni
Sum	190 dagar

Undervisningstider

Time	Tidspunkt
1	08:05 – 08:50
2	09:00 – 09:45
3	09:50 – 10:35
4	10:45 – 11:30
5	12:00 – 12:45
6	12:55 – 13:40
7	13:50 – 14:35
8	14:45 – 15:30 (på tysdagar for toppidrett e-sport og breddeidrett)
9	15:40 – 16:25 (på tysdagar for toppidrett e-sport og breddeidrett)



Oversikt over tilsette

Per Ingar Aarnes – adjunkt	Solveig Faksnes, reinhaldar	Gunvor A. Klevset - reinhaldar
Johan Almås, adjunkt	Hege Fiske, lektor	Tanya Kremenlieva – adjunkt m/tillegg
Andersen, Hilde, rektor	Per Egil Fiske – adjunkt	Gerd Ingrid Kvendset – adjunkt
Grete Aune – adjunkt	Jo Gjeldnes – IT-konsulent	Torgeir Kvendset – lektor m/tillegg
Ingvild Berg – lektor m/tillegg	Ole Bjørn Grytbakk – avdelingsleiar YF	Sissel Lysø – Spesialpedagog (til april-22)
Katrine S. Bergheim – adjunkt	Erik E. Halle – adjunkt m/ tillegg	Anders Melling – adjunkt
Liv Marit Berset – adjunkt m/tillegg	Frode Hansen – adjunkt m/tillegg	Katrine Mogstad – adjunkt m/tillegg
Joanna Bjørgum – lektor m/tillegg	Kristin Holten – ass.rektor	Ingeborg Myrvang – adjunkt m/tillegg
Maria T. Bolme, miljøveileidar	Per Arne Hyldbakk – adjunkt m/tillegg	Vilde V. Naustbakk, konsulent
Gunhild B. Bøe - adjunkt	Synne M. Høivik, lektor	Jens Nervik - avdelingsleiar ST
Mona Dalsegg – reinhaldar	Cathrine J. - Gujord – adjunkt m/tillegg	Victoria C. F. Pettersen – lektor m/tillegg



Oversikt over tilsette

Guro Ranes - lektor	Britt Iren G. Svanem – lektor m/tillegg
Silje Ranes – spesialpedagog (perm. til april-22)	Maren Svanem, lektor (perm. til jan.-22)
John Røen - adjunkt	Odd Ragnar Svendsen – rådgjevar
Marit Øyen Saltrø – adjunkt m/tillegg	Ståle Sæterbø – adjunkt
Tore Sannes – lærar	Einar Sjødergren – lektor m/tillegg
Jon Solem – lektor m/tillegg	Mari Vattøy – konsulent
Lars Peder Solli - vaktmeister	Espen F. Vraalsen – lektor m/tillegg
Gerd Inger Stenberg – adjunkt m/tillegg	
Camilla H. Strøm – adjunkt m/tillegg	

Du finn kontaktinformasjon
til alle tilsette ved skolen
på

www.surnadal.vgs.no

Kontaktinformasjon

Telefon: 71 28 44 00

E-post: surnadal.vgs@mrfylke.no

Besøksadresse: Øyatrøvegen 30

Postadresse: Øyatrøvegen 30, 6650 SURNADAL

Åpningstid: 08.00 – 15.30

Heimeside: www.surnadal.vgs.no



Vi ønskjer deg eit flott skoleår!



Eigne notatar:

Eigne notatar:

